



特  
2301  
2

上海圖書館藏



羅漢苗八寨丹江有之男子披髮于後戴雙尾最敬彌勒佛三月  
三日男女携食以供佛是日不烟火似有寒食之意

苗民畏佛最稱奇 敬神存念真神知

而且不忘寒食意 後今相喚何須疑



白猓羅大定安順二府有之與黑者相同而為下姓茹毛飲血即鼠雀蠕動之物攫而燔之飲食無盤盂以三足釜攢食死則以牛馬草裹尸而焚之居普定者名阿和同此類

昔年濟火長南夷 蔓衍繁昌偏水西

地屬鬼方人信鬼 蠻文蚓結漫無稽



宋家苗在貴陽安順二府本中國之裔春秋時放流入于夷也其語言文字

悉與漢同男子帽而長襟婚姻男家遣人往迎女宅率親戚以搖楚之

毋訓綦嚴且即進盥于姑以供婦職喪葬飯蔬飲水三七封而熾之男

女織而子弟多有讀書入洋者

昔日無非中國民 放流不幸入夷中

猶欣畊織少遊冶 婚喪禮法更允平

蔡家苗在貴筑修文清鎮威寧平遠等州縣男子衣係毡衣女則以  
 纒為髻緣飾青布高尺許若牛角狀縮之長簪翁媳不通言居  
 喪三日不食稻肉惟飯稗粥猶存古禮夫歿以婦殉葬外家搶去  
 乃免

翁媳不通言語禮 居喪屏食稻梁肥

婦人殉葬隨夫死 搶入母家得所歸





卡尤狎家在貴陽安順興義平越等處穿青衣婦女以花帕蒙  
 首衣短而下圓度身而裁嚴寒盛暑衣無添換勾雲細摺長裙合角  
 中以顏色相間以六月六日為大節每歲孟春聚會未婚男女于野外跳  
 月歌舞以彩巾接球謂之花球意洽情鍾彼此拋球逐私焉喪禮貧  
 者用牛一頭富者倍之親友各携雞酒致祭繞而哭祭畢屠牛分肉人  
 各飲食醉飽而散

男女情鍾擲彩球

笙歌跳月漫含羞

衣衫寒暑無添減

親歿悲哀祭繞牛

普龍神家在貴陽府定番廣順二州及興義安順二府屬均有之以  
 十二月朔為大節擊銅鼓而為樂若掘地得銅鼓即云武侯所遺  
 富者多出重價爭買親喪則屠牛招戚友以牛角灌酒孝子不  
 食肉唯啜魚蝦祭則用魚鳥葬後以傘蓋墓期年後而焚之其  
 性好勇出入必帶標桿利刃雖有睚眦之仇必報今奉禁戒漸遵法  
 向化矣

咚咚銅鼓擊為歡  
 漉酒殷勤牛角擔

往日睚眦須必報  
 近今向化畏流官





青仲家在清江古州丹江各廳屬以青布蒙首服色俱青女子色白而敏工刺綉善奕棋以擲球為樂所私者名馬郎夜則與之飲父母知而不禁惟避其兄弟婚姻苟合愛者牛酒致聘不知正朔文字以木刻為信

女工針綉宴堪詩

捫博棋球分外佳

私合馬郎親不禁

唯防兄弟咄嗟呀



曾竹龍家在安順府屬婦人穿白衣桶屨戴細布方巾以髮扎一尾  
名為髮尾用猪油搽之遇親友喜慶則負酒宰羊以贖并自帶新衣二  
三套以許富人歿則殮而焚之檢枯骨以葬每七月七日祭奠先塋也  
其俗如此

猪油抹髮習如常 誇富新衣數套裳

人故燒屍尋骨葬 每年七夕奠墳堂



狗耳龍家在安順大定二府及廣順州之康武司有之男子以布蒙  
 首而不冠婦人辮髮螺吉以布束結於項餘布旁結兩拍如狗耳狀  
 衣斑衣用五色葯珠飾之立春後豎一木杆于野外名為鬼杆聚未  
 婚男女而跳月各自擇配奔則女家後以牛馬賸之近今亦知通媒  
 妁焉

白布懸竿狗牙村 剪裳換帶約私奔  
 苗衣男女皆同色 牛馬交通媒妁親





馬蹬龍家在鎮寧之谷西堡頂營司之間多有趙張等姓衣上白  
 喪則易之以青婦人以緇布作冠若馬蹬狀以畊種為業也

張黃劉趙馬蹬夷

緇布為冠白練衣

喪則易青乃女服

頭頂高雉顯威儀

大頭龍家在鎮寧普定屬有之男子戴竹笠婦人穿土色青  
 衣短裙斂馬髻雜髮盤吉如蓋故名大頭龍家男女勤畊而力作  
 者也

馬髻柔髮盤雲吉 青布為衣短裙

男女織畊勤且儉 趕場漉酒醉十分



花苗在貴陽大定遵義所屬皆無姓氏其性慙而畏法其俗陋而力勤衣用敗布賸條織成青白相間無領袖洞其中從頭而籠下或以半幅中分交纏於頸每歲孟春擇平壤之所為月場未婚男子吹笙女子振響鈴歌舞戲詭以終日暮作約所愛者而婦遂私焉亦用媒妁婦之聘資以妍媸為盈縮亦必男至女家成親越宿而歸唯殺牲盛饌禱于鬼雖至敗家無悔也

女子搖鈴歌舞場

吹笙男漢戲紅粧

喪居三七延巫祝

盛饌屠牛祀鬼方



白苗在龍里貴定黔西所屬穿白衣男子蓬頭赤足婦人盤吉長簪  
縮髮祀祖之期必擇大牯牛以頭角端正肥壯者飼之更肥聚合寨之  
牛鬪於野勝則為吉即卜期屠之以祀祭祖者服白衣青套細摺  
長裙祭畢合親族歌飲為樂也

祀祖屠牛卜吉昌 兩牛相鬪勝為祥

高歌暢飲真快樂 主祭長裙白練裳



青苗在鬢西鎮寧及修文貴筑等處衣尚青婦人以青布挽髮  
為髻上裝九華巾男子竹笠草履性情獷悍今則馴良在平遠  
者又名箐苗

當年獷悍本浮澆 今已淳良畊并樵

竹笠遮頭着草履 吹笙月下疑聞韶





黑苗在都勻八寨丹江鎮遠黎平清江古州各屬族類甚衆習俗各異  
 衣服皆尚黑男女咸跣足涉崗躡荆棘其捷便如猿猴性悍好鬪人  
 各頭揮白翎出入必帶標鎗弩弩環刀自雍正十三年剿撫後克性  
 已斂孟春各寨擇地為笙場跳月不拘老幼以竹為笙長丈餘能吹  
 歌者吹之跳舞為歡人歿則前生所私者以色錦繫竹杆揮于坟  
 前男女拜祭也

孟春祭鬼祈豐年

阿妹為女所私焉

頭揮白翎情好聞

環刀為弩俗相沿





克孟牯羊苗在廣順州之金筑司祥懸岩鑿竅而居高者百仞搦竹梯上  
 下畊者不用牛以鉄鑄代犁耨而不芸男女緬笙為偶生子免懷後方婦  
 財聘親歿不哭返以歌唱謂之鬧死次年春回聞杜鵑聲則舉家悲泣曰鳥  
 猶時至親不復來

杜鵑歲至始悲哀

親歿當年謝舞白

山洞擇高居百仞

竹梯負水自肩來

洞苗在天柱錦屏二縣所屬梓平坦近水而居以種棉花為務男子衣服  
 與漢人同故多與漢家傭工女人戴藍布角巾穿花邊衣裳織洞帕頗  
 精美能通漢言聽約束

織錦相沿已有年 素稱精美盡皆傳

苗通漢語居平坦 善種棉花力墾田





箐苗居依山箐苗類也在平遠州不善畊惟種山糧為食男女所着衣  
 服均自織造

愛種山糧不善畊

居依林箐豈知城

雖然自有衫合褲

不識繁華了一生



洞家苗亦在荔波縣衣長不過膝歲首禱魚肉以酒飯而祭槃舩擇近  
 水而居善種棉花女則自紡織男子雖通漢語不識文字以木刻為信

魚肉酒飯祭槃舩

歲首年中醉一帙

善種棉花能紡織

事凭木刻信方孚



水家苗在荔波縣自雍正十年由廣西而轄于黔之都勻府也男女悉勤儉  
 男愛漁獵女工紡織故有水家之布名穿桶屨短衣四圍俱以花布綴  
 之每歲首男女成羣連袂歌舞相歡者遂婚配焉

男人漁獵且耕耘 女子勤工水布名

歲首相歡多苟合 終朝連袂踏歌聲

白額子永豐羅斛有之男梳尖頂吉如螺衣白而長女衣短下不  
穿裙其俗與六額子同病者但禱鬼而不洗骨耳

男衣稍短女衣長 吉挽青螺巧樣粧

白額自稱能祝鬼 永豐羅斛是其鄉



冉家蠻在于思南府屬之沿河司此種喜漢好獵得魚蝦為美  
食其俗與蠻人同

冉家蠻于住思南

性喜魚蝦佐食

漢獵終年無別事

宰牛漚酒釀鵝竿





斧頭苗古州有之與洞魚類相同皆黑苗也性好開畊不用牛以鉄犁人為  
 之冬月朔日為大節婦女編髮為吉圈以銀絲扇冠長簪耳環雙隊項  
 圈數十根衣短五色鍊邊袖姑女必適舅子其聘資多有索及子孫之  
 後倘無子姑女必重賂于舅氏謂之外甥錢方得另配不然終身不敢他  
 適其定例俗風如此

姑女舅媳是定章

聘金無力子孫忙

其要不用牛畊地

全藉人工負扯強



八寨黑苗属于都匀性悍犷女子以色布镶衣袖胸前刺繡一方護之謂  
 為遮肚各寨均造一房名為馬郎房晚來未婚男女相聚其所歡愛之  
 者以牛酒致聘出嫁三日即回母家或一年半載外氏向婿索其頭錢倘具  
 婿無力措辦或不與則將女另嫁有婿女皆歿向其子孫索之俗傳稱之為  
 鬼頭錢

寨中新建馬郎房

舅氏頭錢不敢忘

出嫁三日歸母宅

牛酒通聘甚堂皇





樓居黑苗在八寨丹江有之男子耕種性剛而憨婦人以羊角作吉愛居于  
 樓人歿則殮而停之以三十年為期合寨共卜吉以百棺同葬公建祖祠名為  
 鬼堂其地什物毫不敢犯以為不祥最信鬼而愛養牲畜人居樓上畜居  
 樓下也

人好樓居住氣剛

黍多牲畜喜奔忙

歿者棺殮停安處

恐蹈災殃致不祥



黑山苗台拱古州清江三屬有之以藍布束髮居深山穹谷不事畊作每以  
擄掠致富者善卜茅草卦預知吉凶則亦奇矣

嗜畊擄掠漫無聊 台拱清江住巖景

匿跡深山窮谷裏 善知筮卜草茅妖



黑生苗在清江沿下性克頑每探訪富戶所居則邀約思黨明火執  
刃而往劫之自雍正十三年收服後今咸向化矣

訪明富戶獨單居 思類勾連百十餘

共執長標魚利刃 昔年收服盡畊畬



高坡苗又名頂板在黃平黔西等處衣黑喜種山坡婦女以木尺許綰  
髮故名頂板苗也婚姻苟合婦勤紡織

高坡苗子黑斑 | 愛種高坡喜傍山

苦深女工勤紡織 自行擇配俗同蠻



平伐苗在貴定之新添營男子披草衣着短褲婦人衣短穿桶屨以長  
 簪縮髮為吉婚姻喪祭悉用犬

男子草衣着短屨

婦人挽髻髮如雲

• 婚姻祭享咸屠犬

平伐天苗即此分



黑神家在清江所屬廣植樹木而多富者同寨漢人每央保告貸或伐木  
合伙生理無不應允若有故虧損不能償還即直告而可再貸倘被  
人掣騙則訪原保之祖墓掘其枯骨而藏之直俟保者彌補借項  
一然後退之所謂拿白放黑近設保甲斯俗已化

賤木經營富有餘 漢人告貸總無虛

偶然被騙難歸楚 發塚掘尸保代之





清江神家台拱亦有之婦人耕作男子頭纏紅布膏佩大刀聚伙出寨  
 投拿路過孤客將長木為枷進寨內逼索財物名為贖身錢如  
 不給者終不得脫身多有受其害者近今嚴懲不敢為矣

剽悍劫取贖身錢 剝木為枷幹無天

腰佩環刀頭細布 自今剝換不生端



里民子在貴陽黔西大定清鎮等處男子貿易為生婦人穿細耳  
 草鞋勤儉耕作餘閑時則紡羊毛織布為衣愛養牲畜常帶  
 之入山紙節與漢人同

• 耕餘紡織里民居

細耳草鞋過野溪

男子營生勤貿易

貴陽清鎮并黔西



八番苗在定番州男女衣冠與漢人同其俗女勤男逸日出而耕日入而織獲稻和稽儲之剗木臨流作臼由其自推而舂之凡糞會親友則擊長腰鼓為樂以十月晦日為大節親歿葬不擇期恒靜而出之謂曰不使吾親知之

女勞男逸意情殷

日出而耕恒織勤

木臼水舂臨取稻

喪行不忍使親聞

紫姜苗在清平丹江等處與獨山州之九名苗同類其性輕生好聞如遇仇人輒生啖其肉以十月朔為大節是日則門不踰檻犯者以為不祥在平越州者多出入行伍大力善戰及習儒而入泮者

夷苗居半入泮

漸化淳良行伍多

頗有讀書應考者

當前不識是苗哥





谷蘭苗在定番州地方有之性兇頑善擊刺出入携帶利刃標弩諸處  
 夷人咸畏之今亦男耕女織其布精細相傳欲作汗衫褲須得谷蘭布至  
 於婚姻亦用媒妁

女工紡織美求精 可愛市人多購爭

男子諸苗皆畏懼 長標勁弩也相驚



廿五

